

**UPERNAVIMMI NAJUKKAMI ATAATSIMIITITALIAP
ILEQQUUSUMIK ATAATSIMIINNERA
MARLUNNGORNEQ ULLOQ 22. APRIL 2025 NAL. 9.00**

Peqataasut: Naja Nuka Kaspersen, Siulittaasoq
Julie Karlsen, Siulittaasup tullia
Lars Petersen, ilaasortaq
Hartmann Heilmann, ilaasortaq

Peqataannngitsut: Knud Kleemann, Kommunalbestyrelsimit toqqangaq

Pisortaq/imaqarniliortoq: Ane Marie Jørgensen, Borgerforvaltningsleder
Ataatsimiiffik: Ataatsimiittarfik

Immikkut peqataasut:

Nutserisut:
Ingerlannera: Ammasoq

NA	QULEQUTAQ	BILAG
	Ilisimatitsissutit	17-18
007	Tusarniaaneq: Najukkami Ataatsimiititaliap suleriaasissaata allangortinnissaanut tusarniutigineqarnera	1-2-3-4
008	Ataatsimiiffissat ullulersornissai	5-6-7
009	Katersortarfimmi nipilersuutisinissamut siunnersuut	8-19
010	Scene – Pikialaartitsinermi atorneqarsinnaasoq	9-10-11
011	Atuarfiup pinnguarterfia – Naalackersuisunit pinnguarterfissaq	12
012	Arsaattarfimmi qisunnik issiavilersornissaq	13-14-19
013	Tummeqqiortitsinissaq Henrik Olsenip aqq-niik Oqaluffiup aqq. tungaanut	15-16-19

Aaliangiineq:

Akuerineqarpoq.

Ilisimatitsissutit:

Bilag 17 – Killiffik 2025

Bilag 18 – Ukioq 2025-imut aningaasat agguataarneri

Naalackersuisumit Upernavik 250-liineranut atatillugu pinnguartarfimmik tunissuteqaneq, ulloq 9. april 2025
Naalackersuisoqarfimmit projektschefimit ilisimatitsisoqarpoq, suliassaq sanasunut
suliarinnittussarsiorneqaraluarluni iluatsinngitsooqattaartoq. Taamaakkaluartoq suli
suliarinnittussarsiuussineq ingerlanneqartoq. Allatsimit ilisimatitsissutigineqarpoq ulloq 22. April 2025
Najukkami Ataatsimiititaliaq ataatsimiinnerani oqaluuserisassatut pinnguartarfik tunissutaasoq pillugu
inissaanik siunnersuuteqartoqarsimasoq, taamaattumik Najukkami Ataatsimiititaliaq
ataatsimeereersimalerpat ataatsimiinnermi aaliangererat pillugu ilisimatinneqarumaartoq.

Aaliangiineq:

Akuerineqarpoq.

Sag nr.	Sammissaq	Bilag nr.	1-2-3-4
UPVNA 007	Tusarniaaneq: Najukkami Ataatsimiititaliap suleriaasissaata allannortinnissaanut tusarniutigineqarnera	Journal nr	01.03.49

Uteqqiineq:

Tamat Oqartussaaqataanerannut Nunaqarfinnilu Ineriartortitsinermut Ataatsimiititaliaq ataatsimiinneranni aaliangiunneqarsimavoq Najukkami Ataatsimiititaliamut ileqqoreqqusaq allannortinneqassasoq. Tamannalu tunngavigalugu Najukkami Ataatsimiititaliat ileqqoreqqusap allannortinneqarnissaanut tusarniummut isummeqquneqarput. Najukkami Ataatsimiititaliaq allannuqerusussappata allakkatigut allatsimut tunniunneqassapput.

Suliap saqqummiunnera:

Tamat Oqartussaaqataanerannut Nunaqarfinnilu Ineriartortitsinermut Ataatsimiititaliaq ulloq 10. Marts 2025 ataatsimiinneranni aaliangiunneqarsimavoq Najukkami Ataatsimiititaliamut ileqqoreqqusaq allannortinneqassasoq. Tamannalu tunngavigalugu piffinni Najukkami Ataatsimiititaliat ileqqoreqqusap allannortinneqarnissaanut tusarniaasoqarnissaa aaliangiunneqarsimalluni.

Iluarsiinissamut siunnersuut – sammisanut tunngatillugu nalilersuineq

Tusarniaassut pillugu tusarniaanermut tunngatillugu Upernavimmi Najukkami Ataatsimiititaliaq ataatsimiisooq, siunnersuutaasoq pillugu isummerluni. Tusarniaassummullu isummerunik allannuutissaqarunillu allakkatigut allannortikkusutatik tunniutissallugit.

Aningaasaqarnermi kingunerisinnaasat:

Aningaasartuuteqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Upernavimmi Najukkami Ataatsimiititaliami allatsi
Ilulissani Allattoqarfik

Inassuteqaat:

Upernavimmi Najukkami Ataatsimiititaliami ilaasortanit tusarniaassummut tunngatillugu allannortitaqarusukkunik allakkatigut isummernissaat inassuteqaataavoq, taamaalilluni allatsimit tusarniaassutaasumut allannuutissatut siunnersuutit allannortinnagit Allattoqarfik Ilulissanut ingerlateqqinneqarsinnaaniassammata.

Ilannussat:

Bilag 1 – Ileqqoreqqusassamut siunnersuut
Bilag 2 – Ileqqoreqqusaq atuuttoq 27. September 2021
Bilag 3 – Ileqqoreqqusaq 27. September 2021 atorunnaartoq
Bilag 4 – Demokratiudvalg mødereferat 10. Marts 2025

Aaliangerneq:

Akuerineqarpoq, Najukkami Ataatsimiititaliami ilaasortat tusarniaassut pillugu allakkatigut Najukkami ataatsimiititaliami allatsimut isummersuutitik tunniutissavaat.

Sag nr.	Sammissaq	Bilag nr.	5-6-7
UPVNA 008	Ataatsimiiffissat ullulersornissai	Journal nr.	01.03.49

Uteqqiineq:

Najukkami Ataatsimiititaliaq aprilimiik aasap tungaanut imaluunniit ukiap tungaanut ataatsimiiffissat ullulersorneqarnissaat inassutigineqarpoq. Uani Najukkami Ataatsimiititaliat nutaat ivertinneqarnissaasa tungaanut ilaasortat atuukkallartussaammata. Innuttaasut Najukkami Ataatsimiititaliamut siunnersuuteqarsinnaatitaanerata nalornissutigineqannginniassammata siumut ataatsimiiffissat ullulersorneqassapput, inassuteqaataallunili Kommunalbestyrelsemi politikkikkut ataatsimiiffissat qaleriinginnissaat.

Suliap saqqummiunnera:

Upernavimmi Najukkami Ataatsimiititaliamut apeqqutigineqarpoq aprilimi kingullermeerlutik ataatsimiissanerlutik. Paasiniaasoqarnerani Najukkami Ataatsimiititaliat atuuffii pillugit inatsisitigut tunngavisoq innersuunneqarpoq, Kommunalbestyrelsemut qinersisoqareernerani Najukkami Ataatsimiititaliat nutaat ivertinneqarnissaasa tungaanut Najukkami Ataatsimiititaliami ilaasortaasut atuukkallassasut.

Iluarsiinissamut siunnersuut – sammisanut tunngatillugu nalilersuineq

Ukiumi 2025-imi Upernavimmi Najukkami Ataatsimiititaliaq ulloq 10. December 2024 ataatsimiinnerani ataatsimiiffissat januarimiik aprilimut ullulersorasuarnikuuaat.

Taamaammata aasap tungaanut imaluunniit ukiap tungaanut ullulersuinissaq pissaaq, innuttaasut siunnersuuteqarusuttullu siumut ilisimatinneqarsimaniassammata.

Kommunalbestyrelsep nutaassap atuutilertussaanerata malitsigisaanik ataatsimiititaliat assigiingitsut politikkikkut ullulersuinikuunngillat, taamaattoq Aningaasaqarnermut Ataatsimiititaliap ulluliusai qallerneqarsimassanngillat.

Aningaasaqarnermi kingunerisinnaasat:

Aningaasartuuteqarfiussanngilaq.

Inatsisitigut tunngavigisat aamma toqqammavissisutut allagaatit:

- “Kommunit aqunneqarnerat pillugu Inatsisartut Inatsisaat nr. 29, 17. November 2017-imeersoq, Kap. 4, Ataatsimiititaliat ilaalu ilanngullugit, § 32, imm. 9”
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Najukkami Ataatsimiititaliap allattaa

Inassuteqaat:

Akuerineqarnissaa ataatsimiiffissallu ullulersorasuarneqarnissaat inassutigineqarpoq.

Ilanngussat:

Bilag 5 – Kalender 2025

Bilag 6 – Politiske kalender 2025

Bilag 7 – Inatsisartut inatsisaat paragraf 32

Aaliangerneq:

Akuerineqarpoq. Najukkami Ataatsimiititaliap ukiumi 2025-imi qaammatip aallartinnerani pingasunngornerit siulliit tulliini ataatsimiiffissat inassippaat, nal. 13.00-imiik pisartussanngorlugit: 14. Maj 2025, 11. Juni 2025, Juli ataatsimiissanngillat, 13. August 2025, 10. September 2025, 8. Oktober 2025, 12. November 2025 aamma 10. December 2025.

Sag nr.	Sammissaq	Bilag nr.	8
UPVNA 009	Katersortarfimmi nipilersuutisinissamut siunnersuut	Journal nr.	01.03.49

Uteqqiineq:

Naalukkut Suliniaqatigiiffiata Katersortarfiup nipilersuutai qanganitsertut nutaanik kr. 40.654,00 nalillit aammalu saniatigut tikisinneranut aningaasartuuteqartussat siunnersuutigivai. Inatsisit tunngaviusut malillugit sunngiffimmi susassaqtitsinermi ilinniartitaasoqassappat aatsaat nipilersuutini pilersuisoqarsinnaammat akuerineqannginnissaa inassutigineqarpoq.

Suliap saqqummiunnera:

Naalukkut Suliniaqatigiiffia – Naasoq siunnersuuteqarpoq Katersortarfiup nipilersuutai qanganitsertut nutaanik taarserneqassasut. Nipilersortoqarniartillugu nipilersortartunut nipilersuutiniq assartuisarneq suliurujussuusarmat. Nipilersuutit nutaat misissorsimasani kr. 40.654,00-inik naleqartut takussutissiarisimavai, aqutaali immikkut akeqassasoq naatsorsuutigineqassasoq. Siunnersuutigivaalu Naalukkut Suliniaqatigiiffiata Katersortarfimmi nipilersuutiniq nakkutiginnittuusinnaanertik.

Iluarsiinissamut siunnersuut – sammisanut tunngatillugu nalilersuineq

Upernavimmi Katersortarfik Avannaata Kommunanit pigineqarpoq. Katersortarfik siunertanut innuttaasunut ataatsimiiffissatut Kulturikkut pikialaarfittut katerisimaarfittut nipilersornikkullu ataatsimoorfittut atorqeartarpoq. Nipilersortartulli Katersortarfimmi atuissatillutik namminneq pigisaminnik nassartussaasarput, immikkut Kommune nipilersuutiniq atorneqarsinnaasunik neqerooteqanngimmat. Inatsit tunngaviusooq malillugu pisortaarfinnut nipilersuutiniq pilersuisoqarsinnaavoq aatsaat sunngiffimmi nipilersornermik ilinniartitsisoqassappat, Katersortarfimmilu tamanna akuerisaanngilaq.

Aningaasaqarnermi kingunerisinnaasat:

Nipilersuutiniq siunnersuuteqartup pisisarfimmut Thomann-imut akeq kr. 40.654,00-imik nalilik aasimavaa, akillu saniatigut tikisinneranut akeqartussaanaera naatsorsuutigineqassaaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut Inatsisaat nr. 29, 17. November 2017-imeersoq.
- Avannaata Kommunanian Najukkami Ataatsimiititaliat Suleriusissat ulloq 27. september 2021-imeersoq
- Kulturikkut ingerlatsineq sunngiffimmilu sammisassaqtitsineq pillugit inatsisartut inatsisaat nr. 5, 6. Juni 2016-imeersoq.

Suliamik isumaginnineq:

Najukkami Ataatsimiititaliami allatsi Peqqinneq Sunngiffik.

Inassuteqaat:

Siunnersuutip akuerineqannginnissaa inassutigineqarpoq.

Ilanngussat:

Bilag 8 – Katersortarfimmi nipilersuutisinissamut siunnersuut
Bilag 19 – Aningaasat agguataarneqarneranut kingunerisinnaasat

Aaliangerneq:

Akuerineqanngilaq, kisiannili Najukkami Ataatsimiititaliamit innersuunneqarpoq Peqatigiiffiit namminneq suleqatigiillutik nipilersuutiniq atortagassaminnik katersuiniaqatigiinnermikku nammineerlutik nakkutigisassaminnik pilersitsinnaasut.

Sag nr.	Sammissaq	Bilag nr.	9 – 10 - 11
UPVNA 010	Scene – Pikialaartitsinermut atorneqarsinnaasoq	Journal nr.	01.03.49

Uteqqiineq:

Scenemik ikkussortakkamik silami pikialaartitsisoqarnerani atorneqarsinnaasumik qalissiaartallimmik pilersitsinissaq siunnersuutigineqarpoq. Nutaamik pitaartoqassappat nalinga tagginneqarsimangilaq. Nalilersuinermi Najukkami Ataatsimiititaliaq ukioq 2022-imi scenemik ikkussortakkanik 20-inik pisisimapput, siunnersuuteqartup assilisimasaanit pioreersut niulukinnerupput. Pioreersulli qulit Katersortarfimmiipput, qulillu atorneqarnatik inisseqqallutik. Nutaamik pilersitsisoqassanersoq qalissiaaralerlugit imaluunniit pioreersut qalissiaararterlugit pisisoqassanersoq Najukkami Ataatsimiititaliamit naliliiffigineqassaaq.

Suliap saqqummiunera:

Scenemik ikkussortakkamik silami kikkunnik tamanit pikialaartitsisoqarnerani atorneqarsinnaasumik siunnersuuteqartoqarpoq, Qasigianguani Najukkami Ataatsimiititaliamit aningaasalerneqarsimasutut isikkulimmik pilersitsisoqarsinnaanera siunnersuutigineqarluni.

Iluarsiinissamut siunnersuut – sammisanut tunngatillugu nalilersuineq

Siunnersuummut tunngatillugu, scenemut siunnersuutaasumut assiguvuq ukioq 2022-imi Najukkami Ataatsimiititaliap scenemik ikkussortakkamik 20-inik pisiaannut. Sceneliassalli affai 10-iusut Katersortarfimmut ikkussuunneqarsimapput, affaalu 10-iusut atorneqarnatik inissinneqallutik. Siunnersuuteqartup assitaliussimasaani scene portunernik niuloqarpoq aammalu qalissiaasaqarluni – silami atorneqarsinnaasuulluni. Nutaarlunnarmik scenemik siunnersuuteqartup siunnersuutaatulli pitaartoqarsinnaanersoq imaluunniit scene qulit pukinnernik niulullit qalissiaaralerlugit pisiniartoqarsinnaavoq.

Aningaasaqarnermi kingunerisinnaasat:

Siunnersuuteqartumit aningaasat nalinga tagginneqarsimangilaq. Akuerineqassappalli akimik aallernikkut aningaasatigut kingunerisassai tagginneqarsinnaalissapput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut Inatsisaat nr. 29, 17. November 2017-imeersoq.
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Peqqinneq Sunngiffik.

Inassuteqaat:

Akuerineqarnissaa inassutigineqarpoq, kisiannili siunnersuutip scenemik nutaamik qalissiaartallimmik pisisoqassanersoq imaluunniit pioreersut qulit atorlugit qalissiaaqqamik immikkut pisisoqassanersoq Najukkami Ataatsimiititaliamit isummerfigineqassaaq.

Ilanngussat:

Bilag 9 – Siunnersuut Scene pikialaartitsinermi atorneqarsinnaasoq

Bilag 10 – Scene siunnersuutaasup assinga

Bilag 11 – Scene maanna Katersortarfimmiittup assinga

Aaliangerneq:

Akuerineqarpoq. Scene nutaamik “qalissiaasalimmik” pilersitsinissamut akimik aallertoqassaaq.

Sag nr.	Sammissaq	Bilag nr.	12
UPVNA 011	Atuarfiup pinnguartarfia – Naalakkersuisunit pinnguartarfissaq	Journal nr.	01.03.49

Uteqqiineq:

Nakuusaaqqat allagaat atuarfiup eqqaaniittup pinnguartarfiup aserfallassimasup Atuarfiup pisortaanit ingerlateqqinneqarpoq, apeqquutinngorlugu Naalakkersuisoqarfimmit Upernavimmut pinnguartarfimmik tunissuteqarnikuuneranni pinnguartarfiup ilassaa Atuarfiup eqqaanut inissinneqarsinnaannginnersoq. Akuerineqarnissaa inassutigineqarpoq, pinnguartarfissap Kunngip Nunaataata eqqaanut inissittussaasup annikitsuinnaq kisimi akuerineqarsimassamat, atuarfiullu eqqaa atuartut soraareeraluaraangata atuarfiup eqqaa pinnguartarfittut orningarneqartuarmat.

Suliap saqqummiunnera:

Atuarfiup pisortaata apeqquateqaatigivaa, Naalakkersuisoqarfimmit Upernavimmut pinnguartarfimmik aningaasaliinikummata, pinnguartarfissap ilaa Atuarfiup eqqaanut inissinneqarsinnaanersoq. Tassani tunngavilersuutigalugu atuartut soraareeraluaraangata illoqarfimmi meeqqat atuarfiup eqqaani aneerlutik pinnguariartortuarmat. Tunngavilersuutigivaattaaq Nakuusaaqqat allagaat, tassa atuarfiup pinnguartarfia aserfallassimasup aserfallatsaalineqarnissaanut imaluunniit taarsernissaanut allagaqarsimmata. Atuarfiulli budgetsimi pingaarnersuinerminni aningaasaliiffiginissaanut sanaartugassatut kissaatinut inissittarlugu.

Iluarsiinissamut siunnersuut – sammisanut tunngatillugu nalilersuineq

Ukioq 2022-imi Naalakkersuisoqarfimmit Upernaviup 250-liineranut atatillugu pinnguartarfiliassamik aningaasaliisut suliap ingerlanneqarnera ukioq 2024-imi Najukkami Ataatsimiititaliaq aaliangernikuvoq arsaattarfiup eqqaanut inissinneqarsinnaanngimmat Kunngip Nunaataata eqqaanut inissinneqassasoq. Nunaminertamillu innersuussinermi Naalakkersuisoqarfimmi projektslederimit ingerlanneqartoq pillugu, nunaminertamik innersuussinerup kingorna suli suliap killiffia tusarfigineqanngitsaq. Pinnguartarfik Naalakkersuisoqarfiup tunniussaa annertuvoq, taamaammat meeqqat atuarfimmi atuartut soraareerneranni suli aneertarfittut pinnguartarfittullu orningarneqartuarmat Naalakkersuisoqarfik periarfissamut uunga saaffigineqarsinnaasoq Najukkami Ataatsimiititaliamit isummerfigisassanngussaaq.

Aningaasaqarnermi kingunerisinnaasat:

Aningaasartuuteqarfiussanngilaq

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut Inatsisaat nr. 29, 17. November 2017-imeersoq.
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Najukkami Ataatsimiititaliami allatsi

Inassuteqaat:

Akuerineqarnissaa inassutigineqarpoq.

Ilanngussat:

Bilag 12 – Atuarfiup pinnguartarfia – Naalakkersuisunit pinnguartarfissaq

Aaliangerneq:

Akuerineqarpoq, Najukkami Ataatsimiititaliamit ulloq 5. Juli 2024 Naalakkersuisoqarfimmut pinnguartarfissap Kunngip Nunaataata eqqaaniinnissaanut innersuussutaanikuusoq atorunnaartillugu, pinnguartarfiup Naalakkersuisoqarfimmit tunissutaasup tamarmi Atuarfiup eqqaani sanaartorneqassasoq akuersissutigineqarpoq.

Sag nr.	Sammissaq	Bilag nr.	13-14-19
UPVNA 012	Arsaattarfimmi qisunnik issiavilersornissaq Siunnersuut 12. marts 2024-imeersoq	Journal nr.	01.03.49

Uteqqiineq:

Arsaattarfiup isiginnaariartarfiata qisunnik issiavilersorneqarnissaanut Najukkami Ataatsimiititaliamit ukioq 2024-imi akuerineqartumi neqeroorummik tigusaqartoqarpoq. Akit marluupput, sanaartugaq ataaseq kr. 145.000,00 marluuppatalu kr. 280.000,00-inik naleqassasoq. Akit assigiinngitsut tiguneqarsimasut malillugit Najukkami Ataatsimiititaliamit isummertoqarnissaa innersuussutigineqarpoq, arsaattarfiup sanimut 90 meteriusoq eqqarsaatigalugu, issiaartarfissaq sanaartugaq ataaseq sanimut 10 meterimik takissuseqarmat.

Suliap saqqummiunnera:

Arsaattarfimmi isiginnaarianut qisunnik issiavilersornissamut Najukkami Ataatsimiititaliamit ulloq 12. Marts 2024-imi akuerineqarsimasoq, siunnersuut pillugu Tekikkeqarfimmit akimik sanasumut aallertoqarsimalerpoq. Neqeroorut malillugu angissuseq isiginnaariarfissap atitussusaa 6 meter, sanimut 8,5 meter tummeqqissappallu sanimut 1,5 meterimik ilallugu 10 meter. Ataatsip sananera kr. 145.000,00-imik naleqarpoq, marlulli sananeqassappata kr. 280.000,00-inik naleqarluni.

Iluarsiinissamut siunnersuut – sammisanut tunngatillugu nalilersuineq

Arsaattarfiup angissusaa 90 x 45 meteriuvoq. Sanimut 90 meteriulluni. Neqeroorummilu issiaartarfiup ataatsip isiginnaariarfissap sanimut takissuseralugu 10 meter. Isiginnaariartarfiusup sanimut tamaat sanaartorfineqassappat ukiut tamaasa aningaasalernissaannut innersuussisoqarsinnaavoq.

Aningaasaqarnermi kingunerisinnaasat:

Ukioq 2025-imi aningaasat agguataarnerini aningaasalerneqartut allat eqqarsaatigalugit ataatsip sananeqarnissaa aningaasaliissutip iluaniippoq. Marlulli sananeqassappata, aningaasalikkat allat aningaasaliiffigisinnaajunnaarnissaat naatsorsuutigineqarsinnaavoq. Kisiannili marlunnik sanasumut ukiunut marlunnut akilersuisinnaanermik isumaqatiginninniartoqarsinnaanera periarfissiuunneqarsinnaanersoq Najukkami Ataatsimiititaliamit isummerfigineqassaaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut Inatsisaat nr. 29, 17. November 2017-imeersoq.
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginninneq:

Teknikkeqarfik

Inassuteqaat:

Najukkami Ataatsimiititaliamit sanaartugaq ataasiussanersoq imaluunniit marluussanersut isummerfigineqassaaq. Aningaasat ukiumut agguataarnerata kingunerisinnaasai malillugit akuerineqassanersoq akuerineqassannginnersorlu isummerfigineqassaaq.

Ilanngussat:

Bilag 13 – Arsaattarfiup isiginnaariartarfiata akit

Bilag 14 – Arsaattarfiup isiginnaariartarfiata isikkorisinnaasaa

Bilag 19 – Aningaasat agguataarneqarneranut kingunerisinnaasat

Aaliangerneq:

Akuerineqarpoq. Issiavilersornissami neqeroorut marlunnoortoq ukiuni marlunni akilersuisoqarsinnaappat, sanaartukkamut akilersuisoqarsinnaaneq misissorneqarnissaa innersuussutigineqarpoq. Ukiuni marlunni akilersuinissaq ajornarpat issiavilersornissamut neqeroorut akuerineqassanersoq Najukkami Ataatsimiititaliamit isummerfigineqassaaq.

Sag nr.	Sammissaq	Bilag nr.	15-16-19
UPVNA 013	Tummeqqiortitsinissaq Henrik Olsenip aqq-niik Oqaluffiup aqq. tungaanut	Journal nr.	01.03.49

Uteqqiineq:

Tummeqqiortitsinissaq pillugu Najukkami Ataatsimiititaliamit ukioq 2024-imi akuerineqartumi neqeroorummik tigusaqartoqarpoq. Sanaartugassaq kr. 230.000,00-inik naleqarpoq. Najukkami Ataatsimiititaliamit ukimi 2025-imi aningaasaat agguataarneqarsimasut kingunerisinnaasai eqqarsaatigalugit akuerineqassanersut akuerineqassannginnersut isummerfigineqassaaq.

Suliap saqqummiunnera:

Tummeqqiortitsinissaq Henrik Olsenip aqqutaaniik Oqaluffiup aqq. tungaanut Najukkami Ataatsimiititaliamit ulloq 10. December 2025-imi akuerineqarsimasoq, nunaminertamik qinnuteqarsimaneq akuerineqarsimalerpoq. Taamaattumillu siunnersuut pillugu Tekikkeqarfimmit akimik sanasumut aallertoqarsimalerpoq. Tummeqqiassat neqeroorut malillugu kr. 230.000,00-inik naleqarpoq, aasarpallu suliarineqarsinnaalluni.

Iluarsiinissamut siunnersuut – sammisanut tunngatillugu nalilersuineq

Sanaartugassaq Najukkami Ataatsimiititaliamit akuerineqarnikuusup nalinga aaliangiiffigissavaat, ukiumi 2025-imi aningaasartuutaajumaartussat agguataarisimaneq eqqarsaatigalugu, neqeroorut tiguneqartoq annertummat akuerineqassanersoq isummerfigineqassaaq, imaluunniit ukiumut marlunnut akilersuisoqarsinnaanersoq isummerfigineqassaaq.

Aningaasaqarnermi kingunerisinnaasat:

Ukioq 2025-imi aningaasat agguataarnerini aningaasalerneqartut allat eqqarsaatigalugit aningaasanik qaangiisoqartussanngussamat, tummeqqiortitsinissamut aningaasaliisoqassanersoq Najukkami Ataatsimiititaliamit isummertoqassaaq. Sanasumut ukiumi marlunnut akilersuisinnaanermut tunngatillugu isumaqatiginninniartoqarsinnaanerata periarfissaqarnerisooq misissorneqarsinnaassooq.

Inatsisitigut tunngavigisat aamma toqqammavissisutut allagaatit:

- Kommunit aqunneqarnerat pillugu Inatsisartut Inatsisaat nr. 29, 17. November 2017-imeersoq.
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginninneq:

Teknikkeqarfik

Inassuteqaat:

Aningaasat ukiumut agguataarnerata kingunerisinnaasai malillugit akuerineqassanersoq akuerineqassannginnersorlu Najukkami Ataatsimiititaliamit isummerfigineqassaaq.

Ilanngussat:

Bilag 15 – Siunnersuut - asserlu

Bilag 16 – Tummeqqiassanut akeq

Bilag 19 – Aningaasat agguataarneranertut kingunerisinnaasat


Aaliangerneq:

Akuerineqarpoq. Tummeqqiornissami ukiumi marlunni akilersuisoqarsinnaappat, sanaartukkamut akilersuisoqarsinnaaneq misissorneqarnissaa innersuussutigineqarpoq. Ukiuni marlunni akilersuinissaq ajornarpat tummeqqiornissamut neqeroorut akuerineqassanersoq Najukkami Ataatsimiititaliamit isummerfigineqassaaq.

Ataatsimiinneq naavoq nal.: 11:05

Atsiorfissaq:

Naja Nuka Kaspersen, Siulittaasoq



Julie Karlsen, Siulittaasup tullia



Lars Petersen, ilaasortaq



Hartmann Heilmann, ilaasortaq



Knud Kleemann,
kommunalbestyrelsimit toqqangaq
